

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Z E N I Č A
Broj: T04 0 KT 0051513 22
Zenica, 29.12.2025. godine

OPĆINSKOM SUDU U ZAVIDOVIĆIMA
- Sudiji za prethodno saslušanje –
Z A V I D O V I Ć I

Na osnovu člana 45. stav 2. tačka h) u vezi sa članom 241. stav 1., člana 350. Zakona o krivičnom postupku F BiH, *p o d i ž e m*

O P T U Ź N I C U

Protiv,

P. H., ..., neosuđivan,

što je,

1. u mjesecu novembru 2022. godine, na području grada Zavidovići, s ciljem da sebi pribavi protivpravnu imovinsku korist, lažnim prikazivanjem činjenica doveo u zabludu K. M. tako što je od istog zatražio da ga u više navrata odveze iz Zavidovića u Sarajevo obećavši mu da će mu za usluge vožnje i čekanja dok obavi određene poslove po Sarajevu platiti nakon što podigne novac u ... banci u Žepču znajući da u toj banci nema otvoren račun, u što je M. i povjerovao, te ga više puta vozio do Sarajeva, Vogošće i Živinica i čekao i to dana 25.11.2022. godine na relaciji Zavidovići-Sarajevo-Zavidovići, dana 26.11.2022. godine na relaciji Zavidovići-Živinice-Zavidovići i Zavidovići-Vogošća-Zavidovići, dana 27.11.2022. godine na relaciji Zavidovići-Vogošća, te dana 28.11.2022. godine na relaciji Zavidovići-Ilijaš, gubeći pritom svoju zaradu, pa kada je M. zatražio da mu plati usluge vožnje, doveo ga u zabludu da će mu te usluge platiti izvjesni „M.“, iako je bio svjestan i unaprijed znao da neće platiti ove usluge, te da takvim svojim ponašanjem može drugog navesti da na štetu svoje imovine nešto učini, što je i htio, na koji način je ošteti K. M. za iznos od oko 2.600,00 KM,
2. u mjesecu julu 2022. godine, na području grada Zavidovići, s ciljem da sebi pribavi protivpravnu imovinsku korist, lažnim prikazivanjem činjenica doveo u zabludu J. Z. tako što je od istog zatražio da ga odveze iz Zavidovića u Sarajevo pa kada su stigli u Sarajevo, održavao ga u zabludi tako što mu je rekao da će njegovu uslugu platiti za dva-tri dana i da će mu dati više novca jer je sa njim lutao po Sarajevu i nije znao tačnu adresu mjesta gdje treba doći, što je Z. i povjerovao i na to pristao, pa kada je Z. zatražio da mu plati usluge vožnje, obećao mu da će te usluge platiti i da će dodatno platiti što je čekao, te ga je jedne prilike naveo da sačeka ispred banke

dok on ne podigne novac, iako je bio svjestan i unaprijed znao da neće platiti ove usluge, te da takvim svojim ponašanjem može drugog navesti da na štetu svoje imovine nešto učini, što je i htio, na koji način je ošteti J. Z. za iznos od oko 200,00 KM,

dakle, lažnim prikazivanjem činjenica doveo druge u zabludu i održavao ih u zabludi i time ih naveo da na štetu svoje imovine nešto učine,

čime je počinio produženo krivično djelo Prevare iz člana 294. stav 1. u vezi sa članom 55. KZ F BiH.